



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. II. Quatuor conclusionibus difficultas resolvitur

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

dam motione (quam ex intentione præcedenti participat) quod h̄c & nunc ponendus est actus electionis, seu quod voluntas h̄c & nunc applicanda est ad electionem , habet rationem virtutis imperii. Unde quavis in ordine dite & electione præcedat imperium , ut docet S. Thomas loco suprā adducto , in ordine tamen reflexo , imperium quoddam virtuale & reflexum præcedit consentium & electionem , & ad utrumque actum prærequisitum.

§. II.

Solvuntur objectiones.

99. **O**bijecies primō contra primam conclusiōnem : Imperare est intimare voluntati h̄c & nunc actum esse exercendum : Sed intellectus intimat voluntati h̄c & nunc exercendam esse primam intentionem ; alia voluntas nunquam exerceret eam : Ergo datur imperium ad primam intentionem.

100. Respondeo imperium non solum dicere intentionem , sed etiam motionem quantum ad exercitium : actus verò intellectus præcedens primam intentionem , non habet hanc motionem , ut probatum est ; quia voluntas non moverit in hac intentione , sed à solo Deo moveatur . Unde inter judicium antecedens intentionem finis , & judicium præcedens electionem medium , hoc reperitur dictamen , quod judicium antecedens intentionem , non prælapponit in voluntate alium actum priorem , à quo participet vim movendi , quantum ad exercitium , bene tamen judicium quod electionem præcepit ; illud enim supponit intentionem finis , quæ hoc ipso quod est virtutis voluntis electio , habet vim movendi ad exercitium ejus , & ideo habet rationem imperii virtualis ; minime tamen imperii formalis , quia nec gaudet determinata efficiacia circa haec media in particulari , nec per verbum imperatio , sed indicativi modi exprimitur , ut ante ponderatum est.

101. Obijecies secundō : Positā quacumque cognitione , & quocumque judicio indifferenti ex parte intellectus , voluntas manet indifferens ut intendat vel non intendat hunc finem : Ergo indiget imperio , ut ad hunc potius quam alium faciat intendendum determinetur.

Sed negatur consequentia : nam ad primam intentionem homo necesse moverit , nec se determinat , sed specialiter moyetur ac determinatur à Deo , per specialem instictum , seu dictamen , quod apparet vices imperii , ut docet D. Thomas hic art. 3. ad 3.

102. Obijecies tertio contra secundam conclusiōnem : Adeos actus necessarium est imperium , ad quos requiritur prudentia : Atqui prudentia non solum requiritur ad usum seu executionem medium , sed etiam ad eorum electionem : Ergo & imperium . Major patet : imperium enim , ut superā vidimus , est præcipius actus prudentiae . Minor verò suadetur . Cum electio sit præcipius actus virtutis moralis , quæ ideo habitus recte electivus dicitur , si ad illam non requiriatur prudentia , præcipiu actus virtutum moralium fierent sine prudentia , & illa solum ad actum minus principalem virtutem electorivarum , scilicet ulti , necessaria foret ; quod videtur inconveniens.

A Respondeo concessā Majori , negando Minorem : ad electionem enim sufficit judicium rationis , elicitum à virtute Synesis , quæ est virtus annexa prudentia , & prudentia appellatur . Neque ex hoc sequitur electionem fieri sine prudentia privativa , aut contrariè , sed solum negative , id est sine regulatione prudentia simpliciter dicitur ; in quo nullum est in inconveniens : nam cum electio (quavis sit præcipius actus virtutum moralium) finaliter ad executionem ordinatur , sufficit quod pro executione requiratur regulatio prudentia simpliciter dicta , & ad electionem regulatio per virtutes integrantes prudentiam , scilicet Eubuliam & Synesim . Si tamen voluntas se supra suos actus reflectat , & suum electionem eligat , sicut intellectus cognoscit suam electionem , electio erit à prudentia stricte sumpta , & ab imperio ejus latenter , virtuti & reflexo , ut ex suprā dictis patet : nihilominus necessarium non est quod sic reguletur , cum nec predicta reflexio necessaria sit .

ARTICULUS V.

Vixit omnes actus & motus qui sunt in homine , possint subdi imperio rationis ?

§. I.

Premittantur que apud omnes sunt certae.

103. **N**otandum primō : plures & diversos actus , & motus esse in homine , juxta divisionem potentiarum , quæ in eo repertur : nam in parte ejus superiori sunt actus intellectus & voluntatis , qui sunt motus perfecti harum potentiarum : in parte vero inferiori reperiuntur actus appetitus sensitivi , tam cognitivi , ut sunt actus sensuum exteriorum & interiorum , quād effectivi , ut sunt omnes illi actus seu motus qui dicuntur passiones : sunt etiam actus anima vegetativa , ut nutritio , augmentatio , generatio &c. insuper sunt motus membrorum corporis generaliter , & specialiter motus cordis & cerebri . Et de his omnibus (exceptis actibus voluntatis , de quibus diximus articulo præcedenti) quæritur in prælenti , utrum possint subdi imperio rationis : quod enim non semper illi subdantur , manifestum est .

Notandum secundō , duplex est imperium : unum regale & politicum , aliud levile & despoticum : primum non est cum pleno dominio , sed relinquunt subditū libertatem resistendi , unde civis potest resistere imperio regis : alterum cum pleno dominio , quod dicitur omnem potestatem resistendi . Hanc divisionem tradidit Philoponus 1. politic. cap. 3. Explicandum est ergo , quod nam imperium exillis intellectus in potentias inferiores exercitat .

§. II.

Quatuor conclusionibus difficultas reficitur.

104. **D**ico ergo primō : actus intellectus , quantum ad exercitium , subdantur imperio rationis .

Explicatur & probatur conclusio : Actus intellectus potest dupliciter considerari , uno modo

quā-

quantum ad exercitium actus, alio modo quantum ad specificationem. Quantum ad exercitium subdit imperio rationis; quia consideratio intellectus potest esse medium ad subsequendum aliquem finem, v. g. scientiam; unde intellectus potest esse potentia executiva, & sic applicari per usum voluntatis, praevio imperio de tali uero. Quantum verò ad specificationem, si sit simplex apprehensio, non subdit imperio, sed ipsam habet ex lumine naturali vel supernaturali, quo aliquod objectum attingit; si autem sit judicium seu assensus, vel dissentius, aliquando subdit imperio rationis, ut quando intellectus versatur circa credibilia & opinablia: cùm enim non convincatur circa illa, potest per imperium rationis determinari ad utramlibet partem, ut assensum vel dissensum praebeat, vel ut suspendat utrumque; unde fides imperium rationis, & prius motionem voluntatis supponit, ut ostendimus in Tractatu de Fide, & declarat Augustinus Tract. 36, in Joann. dicens: *Intrare quamquam in Ecclesiam potest nolens, accedere ad altare potest nolens, sed credere non potest, nisi volens. Aliquando vero assensus intellectus non subdit imperio rationis, nec libertati, neque motioni voluntatis, ut quando intellectus versatur circa prima principia, vel circa conclusiones evidenter ab illis deductas: cùm enim convincatur circa illa, est determinatus ad unum naturaliter. Hac docet D. Thomas hic art. 6.*

Dico secundo: Actus appetitus sensitivi subdantur politico & regali, non verò despoticō rationis imperio, Ita S. Doctor art. 7 post Aristotelem, Politicorum cap. 3, ubi dicit quod ratio p̄ceptiū trascibili & concupisciibili non principiū despoticō, qui est domini ad servū, sed principiū politico & regali, qui est ad liberos, qui non totaliter subduntur imperio.

Probatur ratione D. Thomæ: Intantum aliquis actus subdicit imperio rationis, in quantum est sub potestate nostra; unde illi qui sunt totaliter sub potestate nostra, subjacent imperio rationis despoticō, qui verò non sunt totaliter sub nostra potestate, sed possunt ratione prohibente insurgere, aut ēa imperante language, dicuntur subesse regali & politico rationis imperio: Sed actus appetitus sensitivi sunt sub potestate rationis, juxta illud Genet. 4. Subter ea appetitus tuus, & tu dominaveris illius: non tantum totaliter & perfectè: Ergo subduntur politico & regali, non verò despoticō rationis imperio. Minorem probat S. Doctor: quia cùm appetitus sensitivus sit virtus organo corporeo affixa, ejus motus dependet à duobus, nempe à virtute appetitiva, & à dispositione organi, sicut visus, quia est actus potentia visiva corporis organo affixa, non solum dependet à potentia visiva, sed etiam à qualitate & dispositione oculi, per quam juvatur aut impeditur: unde licet actus appetitus sensitivi subdatur potestati rationis, quantum ad illud quod se retinet ex parte potentiae (nam illud quod est ex parte potentiae sequitur apprehensionem imaginationis, quæ cùm sit particularis, regulatur ab apprehensione rationis, quæ est universalior, sicut virtus particularis aetiva regulatur à virtute aetiva universalis) tamen quantum ad illud quod ex parte qualitate aut dispositione organi, rationis potestati non subdatur, quia illa qualitas non est in nostra potestate.

A Dico tertio, actus potentiarum vegetativa-^{109.}
rum non subdi imperio rationis.

Rationem hujus conclusionis assignat D. Thomas hic art. 8. ex disparitate quæ est inter sensitivas potentias & vegetativas: nam illæ sequuntur formam apprehensam, atque adeo cùm hæc apprehensio rationi subordinetur, tanquam aliqua imperfecta ejus participatio, rationis subordinationem sequuntur: At verò potentia vegetativa sequuntur formam naturalem, & mere naturaliter agunt; ratio autem non habet aliiquid dominium supra naturam: Ergo actus potentiarum vegetativarum per se & directè non subduntur rationis imperio, sed indirectè tam-
B tum & per accidens, quatenus actiones illæ, quæ præcedunt actus hujusmodi potentiarum, ut comedere, bibere, & similes, sunt in nostra potestate; unde per subtractionem vel ministracionem alimenti potentia nutritiva & augmentativa possunt ad suas operationes applicari, vel ab illis suspendi

Ex quo facile solves instantiam quæ fieri posset de actibus temperantia, qui ad partem vegetativam pertinere videtur, & tamen subduntur rationis imperio, & sunt laudabiles & meritorii. Respondet enim actus temperantia esse formaliter in appetitu sensitivo, licet versentur circa delectationes tactus & gustus, quæ percipiuntur in applicatione materie, circa quam nutritiva & generativa habent actum, & sic indirectè & per accidens actus hujusmodi potentiarum subdi rationis imperio, non tamen directè & per se; non enim quisquis vult crescere crescit, neque quisquis vult digerere cibum, ipsum digerit, sed illetantum qui habet dispositiones corporis ad hujusmodi actus necessarias.

Dico ultimum, motus membrorum exteriorum subdi despoticō rationis imperio, quantum ad motum localem. Est etiam D. Thomæ hic art. 9.

Probatur: Imperium tunc dicitur despoticum, quando inferior ad nutum & sine resistencia superiori obedit, ut notabilis secundo declaravimus. Sed membra exteriora ad nutum & sine resistencia rationi obediunt quantum ad motum localem, juxta illud Augustini 8. Confess. cap. 9. Imperat animus ut moveatur manus, & tanta est facilitas, ut vix a servito afernatur imperium: Ergo membra exteriora subduntur quantum ad motum localem imperio despoticō rationis. Dixi membra exteriora, quia motus cordis, cùm sit fons & origo vita, ab ipsa natura, vel à generante, non verò à rationis imperio derivatur. Excipienda sunt etiam membra quæ generationi deserviunt; illa enim rationi non obediunt, etiam quantum ad motum localem, sed ejus imperio sphae resistunt, ut anima sua inobedientia ad Deum, in illo precipue membro penitatur, per quod peccatum originale ad posteros traducitur: inquit Augustinus lib. 14. de Civit. cap. 16.

Objicies contra hanc conclusionem: Membra exteriora non moventur à ratione, nisi mediante appetitu; quia juxta probabilem sententiam, potentia appetitiva est locomotiva, membra vero solum sunt ejus instrumenta: Atque ratio non imperat despoticē appetitui sensitivo, sed politice tantum, ut in 2. conclusione diximus: Ergo nec membris externis, quantum ad motum localem,

110.

111.

112.

Respondeo duplēcēm esse distinguendū motū in appetitu sensitivo, unum quo fertur in objectum sibi propriū & conveniens, qui est quādam concupiscentia, seu appetitio boni sensibilis; aliū quo movet membra ad operandum: sicut autem in ordine ad primum motū plenē & perfectē, seu despoticē rationi non obediat, bene tamen quantum ad secundū, nisi forte iste alteri repugnet.

§. II.

Corollarium precedentis doctrine.

113. EX dictis in cursu hujus Tractatus habes, in processu agentis intellectualis, plures actus, sive intellectus, sive voluntatis reperi, qui ad octo praecipuos possunt reduci. Primus est simplex volitio finis: de qua disp. 4. Secundus intentio, qua est volitio efficax consecutio- nis finis: de qua disp. 8. Terius consilium, quod non solum importat inquisitionem mediorum, sed etiam judicium seu sententiam, quā unum ceteris esse praeferendum judicatur, ut disput.

A 10. ostendimus. Quartus dicitur consensus, quo voluntas complacet sibi de mediis inventis, & approbat illa, ut ibidem declaravimus. Quintus est electio, quā voluntas acceptat unum prout aliis: de qua disp. 9. Sextus imperium, quo intellectus cum motione quadam, à precedenti lectione participata, intimat voluntati executionem medium. Septimus usus, quo voluntas applicat potentias exequentes ad opus, ut disp. 11. fūse monstravimus. Octavus est ipsiusmodi affectio, ex qua resultat quies seu delectatio, qua fructus appellatur: de qua disp. 7. Quinque primi actus pertinent ad ordinem intentionis, qui incipit à volitione & intentione finis, & terminatur ad electionem mediorum: tis vero ultimi spectant ad ordinem executionis, qui incipit ab imperio, & ad fruitionem terminatur.

Hos actus, ut sunt intra ordinem physicum, toto hoc Tractatu consideravimus: in sequenti de illis, ut ad ordinem moralē pertinent, & bonitatem vel malitiam moralē fundant, Deo favente, disseremus.



TRA.